欽 定 全 唐

文

封禪議		山陵制度議	請尊孔子為先聖議	緩討高麗對	公平正直對	諫伐高麗表	房元齡	欽定全唐文卷 百三十七目錄

多定全唐文《卷·百三十七 封禪昊天上帝擅議 玉牒議 金匱議泰山上園壇議五里土土土封議

-

多员全居文一卷一百三十七 請修近史奏議沙門不應拜俗狀、大唐故柱國燕國公于君碑銘并序、

翰升序 令狐德茶

元年官中書令爵那國公進尚書左僕射改封魏拜司空 欲定全唐文·长一百三十七 圖形凌烟閣加太子太傅二十三年薨年七十冊贈太尉 徇地渭北元齡杖策軍門授泰王府記室封臨淄侯貞觀 臣聞兵惡不戢武貴止戈當今聖化所覃無遠不屆泊 并州都督諡曰文昭 欽定全唐文卷一百三十七 元齡字裔齊州臨淄人隋時本州舉進士授羽騎尉太宗 房元齡 諫伐高麗表 房元齡

叛涣於流沙吐渾首鼠於積石偏師薄伐俱從平蕩如高 **今為中國患害無過突厥遂能坐運神策不下殿堂大** 德萬倍前王此聖主之所自知微臣安敢備說且 滅鐵勒慕義請置州縣沙漠以北萬里無塵至如高 軍問罪遼碣未經旬日即拔遼東前後虜獲數十萬 配諸州無處不滿雪往代之宿恥掩婚陵之枯骨比功 者歷代逋誅莫能討伐陛下責其逆亂弑主虐人親總 所不臣者陛下皆能臣之所不制者皆能制之詳觀 相次東手分典禁衛執戟行閒其後延随鶏張尋就 ラーニニー 陛

欽定全唐文一卷一百三十七 歲授將帥之節度則決機萬里屈指而候驛視景而望書 遠夷單使一見不忘小臣之名未當再問箭穿七札弓貫 羣臣以禮襃秋毫之善解吞舟之網逆耳之諫必聽膚受 符應若神算無遺策擢將於行伍之中取士於凡庸之末 / 憩斯絕好生之德禁障塞於江湖惡殺之仁息鼓刀於 鉤加以留情墳典屬意篇什筆邁鍾張解窮班馬文鋒 肆鳧鶴荷稻梁之惠犬馬蒙惟蓋之恩降乗吮思摩之 風被於率土孝德彰乎配天想夷狄之将亡則指期 振則官徵自諧輕翰暫飛則花萬競發無萬姓以慈遇 房元齡

磨登堂臨魏 謂也老子日知足不辱知止不殆臣謂陛下威名功德亦 進退存亡不失其正者惟聖人乎由此言之進有退之義 慣豈足論聖功之深遠談天德之高大哉陛下兼衆美而 薪則精感天地重點黎之大命特盡心於庶獄臣心識昏 存有亡之機得有喪之理老臣所以為陛下惜之者蓋 可足矣拓地開疆亦可止矣彼高麗者邊夷賤類不足 有之靡不備至微臣深為陛下惜之重之爱之實之周易 知進而不知退知存而不知亡知得而不知喪又日知 徵之極哭戰亡之卒則哀動六軍負填道之

滅之可也久長能為中國患而陛下除之可也有一於此 實天下之冤痛也且兵者凶器戰者危事不得已而用之 望轉車而掩泣抱枯骨以推心足以變動陰陽感傷和氣 覆五奏進素食停音樂者蓋以人命所重感動聖慈也況 今兵士之徒無一罪戾無故驅之於行陣之間委之於鋒 欲絕其種類深恐獸窮則搏且陛下每決一死囚必令三 以仁義不可責以常禮古來以魚鼈畜之宜從陽略若 向使高麗違失臣節而陛下誅之可也侵擾百姓而陛下 刃之下使肝腦塗地魂魄無歸令其老父孤兒寡妻慈母

皇祖老子止足之誠以保萬代巍巍之名發霈然之恩降 應募之衆自然華夷慶賴遠肅邇安臣老病三公旦夕 欽定全唐文卷一百三十七 臣聞理國要道實在公平正直故尚書云無偏無黨王道 誠儻蒙錄此哀鳴即臣死且不朽 地所恨竟無塵露微增海嶽謹罄殘魂餘息預代結草 雖日殺萬夫不足為愧今無此三條坐煩中國內為舊 大之韶順陽春以布澤許高麗以自新焚凌波之船罷 恥 外為新羅報讎豈非所存者小所損者大願陛下導 公平正直對 房元數

詳察 臣聞古之列國無不強陵弱衆暴寡今陛下撫養蒼生將 要伐匈奴隋後主三征遼左人貧國敗實此之由惟陛下 化成天下 今聖慮所尚誠足以極政教之源盡至公之要囊括區字 勇銳力有餘而不取之所謂止戈為武者也昔漢武帝 無黨無偏王道平平又孔子稱舉直錯諸枉則民 請尊孔子為先聖議 緩討高麗對

欽定全唐文 卷一百三十七 公尼父俱稱聖人库序置奠本緣夫子故晉宋梁陳及隋 武德中部釋質於太學以周公為先聖孔子配享臣以周 仰尊顧命俯順禮經 矯俗光武中興明主多依典故遵為成式實謂攸宜伏 通允伏請停祭周公升夫子為先聖以顏回配享 不樹因山為陵竊以長陵制度過為宏侈二丈立規又傷 大業故事皆以孔某為先聖顏回為先師歷代所行古今 按高祖長陵高九丈光武陵高六丈漢文魏文並不封 山陵制度議

虎及龍鱗朱鳥白虎元武方别各用少年一每座邁豆各 選豆等與大明同后稷及五方十二次五官五方田畯五 二邁豆各四簋簠翫俎各一种農及伊者氏各用少年 はんのことにはないという。これにはいい 非古典今並除之季冬寅日蜡祭百神於南郊大明用犢 山林川澤邱陵墳桁原隰鱗羽贏毛介水墉坊郵表畷貓 月令蜡法唯祭天宗近代蜡五天帝五人帝五地祇皆 澤之下用羊一卯日祭社稷於社宫二十八宿五方之 四鎮四海四瀆以下方别各用少年一其日祭井泉於 房元齡 1

葉結鏬以瓦無又按梁甫是謂梁陰近代設禮壇於山 闕其祀蜡之明日又祭社稷於社宫如春秋二仲之禮 金坛全居文第一百三十七 於壇下肚預申齊潔贅變已畢然後登封旣表重慎之 乃垂處陰之義今定壇位於山北 封禪者本以功成告於上帝天道崇質義取醇素故藉 一簋簠甄组各一蜡祭凡百八十七座當方年穀不登 封先祭義在告神且備調敬之儀方展慶成之禮固當 封禪昊天上帝壇議 禪議 則 用

帝配享擅長一十二丈高一丈二尺 兼示行事有漸今請祭於泰山下設壇以祀上帝以景皇 欠ことにあて、いいコーニーに 精確況乎三神壯觀萬代鴻名禮極殷崇事資藻緣玉牒 金玉重寶質性貞堅宗祀郊種皆充器幣豈嫌華美實貴 去泰山五里是周家禪處臣等參詳請禪社首 梁甫去泰山七十里又在東南至於行事未為穩便社首 玉檢式韞靈許傅之無窮永存不朽今請玉牒長一尺二 請禪社首議 王牒議 房元龄

登配之策盛以金匱歸格藝祖之廟室今請長短令容玉 **策高廣各六寸形制如今之表函纏以金繩封以金泥印** 長一尺三寸廣一寸五分厚五分每策五簡俱以金編其 封禪之祭嚴配作主旨奠五策肅奉虔誠今五策四枚各 請隨璽大小仍纏以金繩五周 金牙全唐文、卷一百三十七 寸廣厚各五寸玉檢厚二寸長短閣狹 奠上帝一奠太祖座一奠皇地祇一奠高祖座 金匱議 玉策議 如玉牒其印函

方石三枚以為再累一作其十枚石檢刻方石四邊而立舊藏玉牒止用石函亦猶盛書篋笥所以或呼石篋今請 以受命璽 次已白田し、美一丁三十七 四 之纏以金繩封以石泥印以受命璽 廣五丈高九尺用五色土加之四面各設一階御位在 南升自南階而就上封玉牒 出開道壇場通義南面八升於事為允今請介邱上 泰山上園壇議 方石再累議 房元齡 圜

金万百月万十十十二二一 依 書藏於內祀禪之土其封制亦同此 令用受命璽以封石檢其玉檢既與石檢大小不同請 築以為封高一丈二尺而廣二丈以五色土益封玉 造璽一枚方一寸二分文同受命璽以封玉牒石檢 禪厥義可知今請於園壇之上安置方石璽緘旣畢 詳前載方石緘封玉檢金泥必資印璽以為秘固今請 言封者皆是積土之名利建分封亦以班社立號謂 五璽議 圜丘上土封議 牒 加

之壇並請刻頌立碑顯揚功業 而 遠矣陛下聲暢九塚威橫八極靈祇不愛其實兆庶無 其壇方八十一尺高三尺陛仍四出其禪方壇及自餘 既至山下禮行告至柴於東方上帝望秋遍禮奉神今請 勒 制依漢建武故事 稱但當贅述希夷以據臣下之志其登封及禪并肆觀 石紀號垂裔後昆美盛德之形容闡后王之休烈其義 設告至壇議 立碑議

式請從今禮仍請柴祭望秩同時行事 案禮孫為王父尸案令祖有蔭孫之義然則祖孫親重 令與天長地久其大小距環壇石闕迴建事非經誥無 欽定全唐文、卷一百三十七 兄弟屬輕陰重反流合輕翻死據禮論情深為未極請 禮義煩而非要請從減省 距 石之設意取牢固本資實用豈云雕飾既積土厚封 祖孫與兄弟緣坐俱配流其以惡言犯法不能為害 廢石闕及大小距石議 兄弟綠坐配流議 房元曲

尚書封蔡國公進尚書右僕射與房元齡共掌朝政談良 钦定全事文 美一百三十七 天子有爭臣雖無道不失其天下仲尼稱直哉史魚邦 相者稱房杜焉貞觀四年薨年四十六贈司空徒封萊 尉尋亲官歸唐初為泰王府兵曹參軍太宗即位遷兵部 如 形凌烟閣諡曰成 情狀稍輕兄弟免死配流寫允 晦字克明京兆杜陵人隋大業中以常調預選補釜 如梅 虞世基罪當死論 杜如晦 九

斬之夷其三族古人有云危而不持顛而不扶則將焉用 去事理不同昔晉惠帝賈后將廢愍懷太子司空張華竟 太子無罪被廢言既不從何不引身而退華無詞以答遂 將廢太子日非是無言當時不被納用其使日公為三公 遜言不足全身王臣之節固已墜矣虞世基位居宰輔 不能苦爭阿意若免及趙王倫舉兵發后使讓張華華日 杜口無言偷安重位又不能解職請退則與箕子件狂 道如矢那無道如矢世基豈得以煬帝無道不納諫諍遂 相故君子臨大節而不可奪也張華旣抗直不能成節

とうこうこうこう

欽定全唐文 卷一百三十七 國公遷尚書右僕射十一 **蓺對歸唐武德中為中書侍郎貞觀初累官中書令封虞** 得言之地竟無一言諫爭誠亦合死 請準漢建武時置降匈奴於五原塞下全其部落得為 彦博字大臨黎國公大雅弟隋開皇末授文林郎復事羅 温彦博 之心若遣向河南則乖物性故非含育之道也 又不離其土俗因而撫之一則實空虚之地二則示無 安置突厥議 一年薨年六十四贈特進諡曰恭 温彦博

臣聞聖人之道無所不通古先哲王有教無類突厥餘 以命歸降我援護之使居内地我指麾之教以禮法數 之後盡為農人選其酋首遣居宿衛畏威懷德何患之 死而生之亡而存之懷我德惠終無叛逆 阻四夷之意臣愚甚謂不可遣居河南亦無所患所滅之餘歸心降附陛下不加憐愍棄而不納非天地 子之於物也如天地覆載有歸我者則必養之今突厥 醜

年八十四諡曰憲 年後恐事跡湮沒陛下旣受禪於隋復承周氏歷數國家 除秘書少監高宗朝遷國子祭酒進爵為公乾封元年卒 德茶宜州華原人武德中官秘書丞貞觀中封彭城子累 大業離亂多有遺闕當今耳目猶接尚有可憑如更十數 竊見近代已來多無正史梁陳及齊猶有文籍至周隋遭 且光武有南單于居内郡為漢藩翰終乎一代不有叛逆 令狐德茶 請修近史奏

不拜為宜謹議議好此為從藏經采出廣宏明理宜高尚其事今使責以名教有虧其旨臣等愚暗請 欽定全唐文卷一百三十七 鉢豈樽俎之禮申思方祈定慧無勞拜跪嚴親報德有冀 真如何必屈腰慈后山林既往非復廊廟之賓朝野裁殊 須從其道竊謂拜俗理恐未通何者削髮異冠帶之儀持 見並請修之 以釋老二教慈敬宏深有國因循遂開崇尚旣久其法 功業並在周時如文史不存何以貽鑑千古如臣愚 議沙門不應拜俗狀 人亦存著 欽定全書文一卷一百三十七 家非色養之境離塵豈榮名之地功深濟度道極崇高 爰暨我唐徽風盆扇雖王猷遐暢實賴天功而 天構大放皇基義籍尊嚴式符高尚惟此二教相沿自 破彼元門牵斯儒轍披法服而為俗拜踐孔門而行釋 佛之垂法事越常規剔髮同於毀傷振錫異乎簪故出 又道之為範雖全髮膚出家超俗其歸一 存其教而毀其道求其福而屈其身詳稽理要恐有未 以凡百在位咸隆奉上之道當其為師尚有不臣之義 沙門不應拜俗狀 令狐德棻 揆 聖輪常 加以遠標

非無心之謂清聖文置下上,人工如八為心二教所利宏益多 勢之旨敢罄塵嶽之誠懼不折衷追深戰惕謹議 光下問君親崇敬雖啟神夷道法難虧還留審想旣奉詢 罪與其失於改創不若謬於修文孔子曰因人所利而 之累則普天率土灰身粉骨何以塞有隱之責蠲不忠之 式資冥助今儻一朝改舊無益將來於恒沙之劫起毫塵 無心之謂請遵故實不拜為允伏惟陛下德拖上皇業 大唐故柱國燕國公于君碑銘并序

三字闕字三 三瞬字闕二 三瞬字 三公門開 避 難 公属十重籍總器 即遊炎靈之三傑四四 恒等嗣一川型 拊翼於龍樓 軍上 六關 州諸関十續 字闕 名瑚璉位 開 欽無忌

5全年文一卷一下三十一 字一而隋 1 隋仁壽 石渠等關 實同陳 字闕

表 超公府察亦並隨改及遷開不久人偷義寧元年代平開一二之足樂異孔璋之開一軍敦煌七年軍門一軍敦煌世年軍 趙 公府察亦並隨改及 分封百二公復策力 北岳人! 美一年三十七 字闕 賜 以乗馬即 宇闕 Ξ 中 字闕 N) 叶兹 幕 府初開後賢知 授名 宇闕宇闕 M 位夏朝政惟新太宗胜土 府仍司管記嗣四 市仍司管記嗣四 同德 令孙德茶 軍 柱 若公 國武 字關 **真翹首辟書旣下以** 作大夫太宗文皇帝。 三明第三公運 以德元年 九 9 比 字關 十關

丞並知膳部郎中事復奉勒為華州團制使仍授騎官 及馬又以劉闥重擾河北命公為河南道支度軍糧 烈薛舉因隋末喪亂命傳嘯侣竊樣汧雕毒害黎元聖 公属兵林馬明賞慎罰四字公四字薛舉破劉闥公属兵林馬明賞慎罰關十公關十薛舉破劉闥 兹塗炭襲行天罰乃詔太宗為與 行臺總維眾務公以本任兼度支郎中尋檢校行臺 曳裾碣館蹋價平臺邁尉 字 賊等勲封黎陽縣 皇基草創與一 夏未賓財三分陝對一 開國子邑三百戶并齊 之明二、 2 討行軍元帥公復 征以男

百匹太子智三侍春坊多開二歲既開一加散騎常侍以開二官多所字 一歲既開一 等二若孔演之多識解一意尋等二部侍郎字 在庶子拜御史府長史高視首席匡賛等一藩無勞露居之請自乎以字之等三年進中書侍郎密勿解六同范甯之宏益所以字之等三衛尉少卿進爵為侯邑七百戸貞觀元年府從事中郎尋進爵為伯邑五百戸前後賞物七百段及 七年檢校蒲州刺史尋問 字關 又從太宗 討楊幹於涇州拒匈奴於北地奉教判天 令狐德茶 賜黃闕 宏盆宜加 優 自 子盆

多定全唐文 卷一百三十七

字關 我大字關 時 在帝心復一 夫行 以 佐

定全唐文人卷一百三十七 元憂勞億兆公勵誠闕

巡留公居守駕還之後屢更陳聞自此踰年方蒙恩許字一即遣與立與一一員第一官不須解退也及靈駕 公以年事衰弱 钦定全書文人长一百三十七 公子一奏請收止足皇上弗許乃令中書令來濟宣旨 史公宾 左執遷太子太師同中書門下參與六事 巡開二鎮宗 不廟社稷付公一四九大春解 四人 一待罪鞠躬俄有恩認遷 等 人界二深可等 尚然 福要藉公材用為朕股肱耳 令狐德茶 字闕 一官不須解退也及靈駕出公一等一亦知公第一人 當朝政恒懼 刺史

官給各令京官五品檢校將送並給靈墨車乗言旋京宅 春秋七十有八皇情開 蓋后侍登封陽一行至於洛開二疾闕三屢嗣四竟無嗣用屢解老病詔許懸車仍降殊恩聽朝朔望將欲參奉華 追贈使持節都督幽易娲檀平燕六州諸軍事幽州 於膏肓以麟德二年十月廿日薨於東都安衆里之第一陪侍登封闕一行至於洛尉二疾闕三屢嗣四竟無嗣 入界二除華州军 為政頻莅近畿忠信既乎釣距勿入關二除華州關四為政頻莅近畿忠信既乎釣距勿 石字陽一 甲申韓於雍州三原縣萬壽鄉清池里奉常考行 以乾封元年歲次景寅十一月癸亥朔開 悼頻 為言喪葬所須並蒙 刺史

心竭穿闕 極綺靡之能體物窮瀏亮之趣雕龍謝其輝煥吐鳳慙以解一悅墳典崇尚幹一備百行而無擇恥一等一級時 區寓之解─裂公乃與二下邑屏以周給及乎彈冠筮仕釋褐登財 次定を与たるというにトレ 笑開一喜愠於尉一色絕字 於胸於陽五終如始件雖復孔墙數仍無以測其高深黃陂萬頃不足方 彩所著文集勒成七十卷兼復情敦孝悌愛結州 日定公禮 及平彈冠盆仕釋褐登界一屬隋鼎之已一義之二字亦等一依仁既隔宅以恤孤 也惟公局量宏遠識度淹通空谷無私虚 字一下邑屏跡 色絕字 於胸於陽五終如始 令狐德茶 邱園避亂政之昏凶 亦指 字嗣 親因

字闕 一三九年 **古對旣而監修國史實錄與** 待士築館欽賢邁稷下之清風軼平臺之勝軌 公於宮城居守 加以馬十不可與三在駒七 闕 賓字闕 字關 字閥 祕 任尤重丹青帝載粉黛王献字四八解一公嗣三貞觀之 字三賜物二百段再加 五經正義復蒙厚錫車駕 太宗嗣 五代史等才兼嗣六 一二字凤陪司 封字關 重 觀之後名 字一居心數服 字闕 鳳郎君王 移開上 鄒枚

其子嗣 **簀之展遺令薄葬盟器下帳** 欽定全唐文 卷一百三十七 敏夫人宏農劉氏曾祖延 服 服 則 持節関 物等前後開 幸修母儀式序從夫有秩拜宏農夫人燕國夫人積 左千牛建節尉州武之長女也珪璋比質蘭新齊芳 馬又於東西二京萬年官各開 節 左光禄大夫都 奉不敢違越斯實人倫之師表朝廷之羽儀 州刺史梁靈二州總管洛陽等一 賜不可勝載委任恩遇莫之與京及易 字闕 魏太子中庶子散騎常侍周 令狐德茶 縣騎大將軍閥十官閥 字闕 四 載以柳車飾之以素 田宅其内 公偉之

懷沈江之慮敢因斯義敬託雕鐫金紫光禄大夫大司 謀事子實我知諒直多聞余蒙其益豈謂後事之託竟屬 等四分爰自青襟便申莫逆契闊談宴逝將六紀分 監修國史護軍彭陽公敦煌陽三茶藉闕一楊之舊 而殞働但住城之下滕公有見日之期萬山之顛元一鄉上護軍立政有至性善居喪感風樹而增哀攀 部郎中國子司業太子率更令使持節渠號二州刺 三夜昔數 字二之榮令悲與二 之歎已矣如何乃 之禮男二 楊之舊睦

宗臣寄深尉三署經綸剛公體道都督依仁化尉三 次主主由之一长一百三十七 令亦德茶 斯繁望隆華戰譽重高門金行失御王事靡監言達 銘 **播紳英靈允集降生王佐碩量夙成芳猷遠播言無可** 適兹樂土運屬與王位隆台輔開七組堂堂第二是開 流分若水祚始周原決曹仁恕廷尉平反邁種弗已靈慶 行無貳過牆仞罕窺唱高寡和資忠於孝釋褐登朝以兹 一德爰膺下察鶴志斯遠驥足方超運開一 人鬱開五從開 文房參陪我律代藩曳覆梁園 舟覆時逢道

獨知歸退壽未窮逝川遽閱易實遺誠既明且哲與獨知歸退壽未窮逝川遽閱易實遺誠既明且哲與獨知歸一是王畿互施寬猛與一舉與二貪殘异 肌 珥 靈靡設善終令始蹈名全節將歸郭北驅車上東贈 宫 **貳職春卿鳳沼揮翰龍樓振纓忠勤表節諒直馳名** 端復臨政本職惟參乘寄深補変德重禮 字關 解頤清文 コス・ニュ 字關 州四損吉凶公 字闕 州總管武康郡開國公令狐使君碑 字闕 疾下武膺運赫赫明明首席 烈無 窮 貪殘异 字關 字關 迹 字關 皝

與翟義連謀為莽所害子孩子 汉 一個間一茂實於當年播門一人也字一茂實於當年播門一人也字 大野大島年播門一人也字 字關字關 1.1 J. 1.4. 1 J. Z. 1 1 1 1 字闕 ,概之用 令狐德茶 州 字關 河刺史燉煌太守鹑哈一走祖邁為建威野軍一遠祖邁為建威野軍 庸續膺設壇之 大字闕 夫 四 字關字關 頫 字十軍 二四關樹所

墨線從事開 晋今六字公乃字、各尉五少有節尉四京號骨立尉 港用尋以内憂去任哀毀過禮嗣六大孝安親義不絕口世事遷夏官府都上士制十埋案嗣三階處斷若流神口步當時周武成之初始入國嗣十則史嗣一上士嗣入 名流 不起雖常一至性無以過之周武帝將有河陰之師詔 金丘全唐文一卷一下三十十 百戸建德五年六月與二留知夏官府事關 字開五 五以開十明三禮工騎射解音律嘉聲被於萌黎功烈書於王府公早承開三 字關 職方下大夫襲爵彭陽公邑二 嗣

與 臨 位 字關 留守功增邑六百戸加授儀 拜 當 淄 同席公以長幼 司徒左長史加上儀同大將軍進封 大收時譽有 至此坐先後之閒何 時談 公唐闕 字開 者成所嘉尚公之弱歲本以鑒悟見稱及處 俄轉吏部公筮仕之始 教 雅量高 府 字關 三柴燎太壇韶公行納言事開皇元 初立從容處物雅 字閥 村望開 足 隔解不敢當 形迹解 令瓜惠葵 同大將軍宣政元年遷司 德 地里 金山 歌度每開 如即在選曹其時吏部 允 字關 河南郡 具瞻吐 字關 謂公曰吾子 開國公 部 七關

軍事滄 年敘破渾之功 西陲敢窺王略朝 期月 攸歸乃以公為益府長史屬 忘身先登斬級所乗之馬 由貨進公下 **定全唐文** 州 字關 刺史州 關 字關 蜀王以 ※卷一百三十七 車之 加 息財 上 廷 字關 始詞 開府 戸惟 字關 出車簿伐以公為元帥府長史公受 儀 訟 四萬 關 字 幼之年遠鎮巴蜀弼諧之寄 盈庭銳情案 同三司俄授使持節滄 字闕 州 字關 箭而斃 稱 字關 行未反竟不述職 闕 四 察姦 流 脫 七 微以賄 重 關 無所隱 カ戦 俗 州 遂

總管府即授并府司馬十一年轉雍州别駕葬改為長史北道行臺度支尚書百姓追思立碑頌德改行臺為并州悲不自勝及公還也老幼相攜出境迎嗣十八年開一河 官僚莫不欽仰靈駕旋軫行次汴州郭下有蔡汴二渠商祖鑒觀四方求人之風二十寺卿以字獄輕重無冤凡在侍從又判禮部度支兵部刑部工部尚書及秘書監事高 本官兼吏部尚書二字許以字二及車駕與公勵精剖斷威惠兼施嗣三其闕四十二陽 欽定全書文卷一百三十七 洛陽公朝行所闔州士庶謂公更有外開 令狐德茶 二鴻臚 臺 以公開館

停於郭外行侣 仍勃諸州考使咸取則焉十六年除使持節總管桂交止莫敢有五字朝宗以公聽政為天下之最賜帛三百停於郭外行倡嗣三留孤材穿五居關一令歸本令行 字關 字闕 字關 州 使持節汴州諸軍事汴 刺史 刺史 部括遊情 字闕 五闕 有闕擬訖奏聞二佐以下即令述 字於律令 越愛德 留孤村 五關 字十 抑 工商斷向街 明利賀靜象東陽 字闕 字闕 五居開 州刺史於是下車 斟酌管内人 字關 門禁巷市者 四 令歸本令行 朝 賢嗣 皆 字關 船 布

字 管嗣三開建庠 有州縣之 字關字 關 字闕 職字闕 之名解三居之所公嗣一累代不嗣之名解三居之所公嗣一界八不嗣 三自字闕 秋六十有三即以其年 字闕字闕 字闕 以藥財士 令瓜惠茶 四 獠感恩咸 月 字闕字闕字闕 字 字闕四 - F 位 公以 令其就 關二 字闕

刺史慶之女關 字闕 字關 闕 與謡望重朝 字 字闕 光 國柴 之關字十 閼 家者矣夫 淑德仁明幽 八關 七嗣 字三 字關 也初 國 敦 拜字關 臨 字關 闕 (同郡) 婉 交忘 順 氾 原 氏周 明之德 四期 郡 字闕 五

欽定全唐文人卷一百三十七 後 字關 功 要實綜銓衡銀鉛不雜開五京會想德問五一弱冠歌總力 三湘寒惟五嶺雜種繁熾界一隅荒梗我君訓俗、扶滿朝命斯膺莅職陝東攝官京縣政成嗣五十八天濟縣鈴衡銀鉛不雜嗣五十七字一既治禮讓攸 三關 字五 十長期 繼 蹤 不雜剛五十二開一既治禮讓攸弱冠歌纓忠能入仕斷割馳名既 鐫勒庶垂不朽盛範鴻名不愆於 字關 令狐 德茶 鼎盛龍縣體道履信居忠 主 ル 蘇 興二關

次定を手工と	辣猟珠	論山陵疏	上山陵封事	琵琶城	狮子賦	秋赋	白鹿賦	虞世南	欽定全唐文卷一百三十八目錄

孔子廟堂碑	設齊疏	東顧帖	樂毅論帖	帝基帖	勘學篇	筆髓論	書旨述	破邪論序	金など月ろりきてミナン

2011/1		Charles A. Ten.		Section in the second		ninion pr lasfings (4 th	innas arphaeiline	an da kada da kalendari ya sa
欽定全								
一唐文							文德自	高祖神
欽定全唐文、卷一百三十八				1			至后哀世	高祖神堯皇帝哀册文
	į						文	市哀册
目 錄								文
	!						•	
			·		,		;	

於定全書文</ 宴嘉賓於雅什偶仙客於天衢故能著美祥瑞流名典謨 名都既馴治於郊甸亦騰倚於山隅素毳呈彩霜毫應圖 惟皇王之盛烈表帝德之休符有金方之瑞獸乃曜質於 尚書諡曰文懿圖像凌烟閣 秦府參軍累轉秘書監封永與縣子年八十一卒贈禮部 世南字伯施越州餘姚人歷官陳隋復事實建德入唐為 欽定全唐文卷一百三十二 虞世南 白鹿賦 虞世南

惟皇王之御歷乃承天而則大治至道於區中被仁風於 望牵牛之隔漢蓮尚香於江浦草猶青於河畔 納之碧幔映金波之皎潔明玉繩之燦爛看夜鵲之繞枝 羣而行絕於斯時也登綺閣臨飛觀開霧殼之疎幌寒 水潔凝珠露之凄冷鏡青山之混澈燕違幕而巢空雁驚 四時之代序對三秋之爽節雲既淨而天高原將收而 外通鳳穴以文軌襲龍庭以冠帶舍夷言於葉在陳 獅子賦 賦

奉進爾乃發烏弋過白狼踰絕嫰跨飛梁越流沙而遙集馬頓轡而莫升車摧輪而不進聚方服之君長召積風而 乎奮鼠抵唇條來忽往瞋目電曜發聲雷響拉虎吞雞裂尾勁毫柔毳鉤爪鋸牙藏鋒蓄銳弭耳宛足伺閒借勢暨 犀分象碎道兕於齦 物於王會渺渺地角悠悠嶂表有絕域之神獸因重譯 哮吼則江河振荡是以名將假其容高人圖其質器其成 積石而高驟其為狀也則筋骨糾纏殊姿異制潤臆修 擾其所居也嚴確深阻盤紆絕峻翠嶺萬重瓊崖干 齶屈巴蛇於指掌踐藉則林麓推發 虞世南

舞共六擾而來剔斯則物無定性從化如神譬鮮羽變之之風之至淳服猜心與猛氣遂感德以依仁同百獸之以殊倫雖奮武以馴擊乃知機而屈伸去金方之僻遠此並同亡而異術豈行藏之足紀何兹獸之明智獨出 欽定 奇號順文德以呈祥迺編之於東觀 以凌厲美其風而賛迷鑒 聲教之遐宣屬光華之在旦臣載筆以切幸得寫目 猿之聘妙終取斃於弧矢雖元豹之幽棲 海金錫成器於陶鈞當是時也兆庶於瞻百僚 全唐文卷一百三十八 倚伏以榮身乃有識之高軌 亦捐軀於 仰

欽定全唐文 卷一百三十八 處世南 器便時而適用節每段而逾新證四座以傾耳數和聲之 清角鏞管成奏絲桐畢陳有琵琶之妙曲乃越泉而超倫 成均弦誦之藝制氏鏗鏘之學辨新聲於變徵研奇操於 哉武功既象舞之載設亦夷歌之遠通乃定八音論六樂 若夫果木為金門之始轉遂乃玉輅之先斯蓋前古之樸 之其言歎知音之不述惟皇御極書軌大同鄉矣文教康 不為於商律瑟見毀於繁紅此皆白圭玷以成疾差近者 而後代之精研是以體鼓質而罕聽革篇輕而莫傳笛 琵琶賊

絲紫而綺結徒觀其為狀也則象形斗極殊姿巧製隨良 傷盛漢盡其深致爰有達人演兹奇器參古今而定質擬 惟適道以從宜故無取乎疑滯若乃琢玉範金之巧雕 分剖香檀而横列木瓜貞柘盤根錯節或錦散而花開或 之修短任規模之巨 鉤繩 聞諸前志尋斯樂之所始乃經數之遺事強秦創其濫 神爰詔百降備序厥因於是大司樂進而 明而攄思慰遠嫁之羇情寬絕域之歸志旣而班 相設求嘉木於五嶺取殊材於九折析文拜而 細既異材而合體亦利方而 稱曰臣以 就 爾 縱 運 銳

次已至每七人是一丁三十人 容暢竹林之聚至如七德昭備六軍凱旋詣戎麾而威遠 **旁垂聲備角商韻包官羽橫却月於天漢寫迴風於洛浦** 合金奏而功宣詠燕山之巴勒美瀚海之方鐫亦有飛梁 飛羽觴之無算又如長河草綠高樓月下入小苑而看花 即游楚館聞促柱之再調聽鳴紋之疎彈叶高文而自遠 妙舞悲紫塞之昭君泣烏孫之公主季倫歡金谷之宴仲 始聞紅之旣調乃長弄而徐撫應緩步之疎節隨輕身之 南山瑞枝屈盤犀黃迴旋鳳池開實撥以更運帶文級而 鏤采之奇上覆手以懸映下承紅而仰施帖則西域神獸 虞世南 9

乃權絃而急調交酬獻之無端若以河而注海亦杯來而 金之巧笑逮乎嘉客既醉高宴將闌浮觴劇飲披襟極歡 雙鶴之坐清壯三秦之曲望南山之遥翠見西江之始綠 游上蘭而藉野泛澄波而轉鎮息長松而繁馬臨清流 少年有長命之詞倡女有可憐之調願百齡分眉壽重千 金ラベーテンショニー 含於元氣叶笙鏞之律吕參鍾石之經緯於是鳳簫輟吹 夫道以簡易為尊物以精微為貴嗟四粒之已約乃包 **經與殊方而俱寫其奇趣則抑揚嘈歡聯縣斷續紆餘** 彈蓋感物動神和心悅耳豈振木之為輩奚繞梁之足

欽定全唐文 卷一百三十八 處世南 ·雅 制 久萬代之計割其常情以定之耳昔漢成帝造延昌二陵 臣聞古之聖帝明王所以薄葬者非不欲崇高光顯珍寶 龍笛韜吟元雲掩影白雪藏音故以暢皇風之威武悅 以為親之累非日孝也是以深思遠慮安於菲薄以為長 具物以厚其親然審而言之高墳厚雕珍物畢備此適所 度甚厚功費甚多諫議大夫劉向上書其言深切皆合 之神心者也 理其略日孝文居霸陵悽愴悲懷顧謂羣臣曰嗟乎以 山陵封事 五

賊入長安破茂陵取物猶不能盡無故聚斂百姓為盜 復容物霍光暗於大體奢侈過度其後至更始之敗赤眉 分天下貢賦以一分入山陵武帝歷年長久比葬陵中不 柳又何戚焉夫死者無終極而國家有廢興釋之所言為 堯葬壽陵因山為體無封無樹無立寝殿園邑為棺都 無窮計也孝文寤焉遂以薄葬又漢氏之法人君在 使其中有可欲雖錮南山猶有隙使其中無可欲雖無石 用甚無謂也魏文帝於首陽東為壽陵作終制其略曰昔 山石為都用於絮散陳漆其間豈可動哉張釋之進日 . 位三 之

改吾為戮屍於地下 乃燒取玉匣金鏤骸骨並盡豈不重痛哉若違詔妄有發 後 舜殷周之節 德高遠堯舜猶所 之國無有不發之基喪亂以來漢氏諸陵無不發掘 藏骨為衣食足以朽肉吾營此不食之地欲使易代之 不知其處無藏金銀銅鐵一 下德止如秦漢之君臣則 汝以為永制藏之宗廟 儉此臣所以尤成也今為邱龍如此其 死 不逮而 祈 重死不忠不孝使魂而有 处此朝 俯與秦漢之君同為奢泰 魏文此制可謂達於事矣向 一以瓦器自古及今未有 織口而已不敢有言伏 知

今為墳雕又以長陵為法恐非所宜伏願深覽古今為長 藏之宗廟豈不美乎且臣下除服用三十六日已依霸陵 無金玉也臣之愚計以為漢之霸陵旣因山勢雖不起墳 欽定全唐文、卷一百三十八 於禮文一不得用金銀銅鐵使後代子孫並皆遵奉一 陳周制為三仞之墳其方中制度事事減少事竟之日刻 自 久之慮臣之赤心唯願萬歲之後神道常安陛下之孝名 石於陵側明邱封大小高下之式明器所須皆以瓦木合 雖不藏珍寶亦無益也萬代之後人但見高墳大塚豈謂 然高顯今之所卜地勢即平不可不起宜依白武通所 通

臣聞秋 矣又漢家大郡都五十萬戸即曰人衆未及往時而工役成就今以數月之間而造數十年之事其於人力亦已勞 與之一等 聽覽之餘辰順天道以殺伐將欲躬推班掌親聞秋稱冬狩蓋惟恒典射隼從禽備乎前諸伏 家即位之初便營陵基近者十餘歲遠者五十年方 無窮耳 諫 論山陵疏 臣所以致疑 疏 也 欲躬推班掌親 御皮軒

獲皇恩亦溥伏願時息獵車且韜長戟不拒獨薨之請降 金定全唐文 卷一百三十八 若夫神妙無方非籌算能測至理凝邈豈繩準所知實乃 於後臣誠微賤敢忘斯義且天弧星軍所殖已多須禽賜 貴八方之所仰德萬國之所繫心清道而行猶戒銜極斯 蓋慎重防微為社稷計也是以馬卿直言於前張昭變色 窮猛獸之窟穴盡逸材於林藪夷山翦暴以衛黎元收革 納涓澮之流袒裼徒搏任之羣下則貽範百王永光萬代 羽用充軍器旌旗較獵式遵古典然黃屋之尊金輿之 破邪論序

實代有人焉法師俗姓陳賴川人晉司空羣之後也自梁 之 之文苟可以經緯闡其圖記可以心力到其境者英猷茂 常道無言有著斯絕安可憑諸天縱窺其質冥者乎至如 發摘微隱比地方春藏用顯仁之量如愚若訥外閣內 朝野長該眾典聲振殊俗威儀肅穆介節淹通留連清翰及陳世傳纓冕爰祖及伯累葉儒宗法師少學三論名聞 欽定全唐文、卷一百三十八 五門六度之源半字一乘之教九流百氏之目三洞四 功固能智周測海道亞彌天豈止於類山濤神件庾亮 爾其文情乃典而不野麗而有則猶八音之並奏等 虞世南

溪山之鬼必洞焉迎構嚴崖則蔽虧日月空飛戸牖則吐 游殿莫不身至目觀攀穴指歸仍撰青溪山記一卷見行 餘年然其疊嶂危岑長松巨壑野老之所棲盤古賢之所 之負帶烟霞願力是融晦迹肥遁以隋開皇之末隱於青 色以相宣道行則納正見於三空拯羣迷於八苦既學 披薜荔於山阿皆合掌歸依摩頂問道經行恬静十 加以販乏扶危先人後已重風光之拂照林牖愛山水 風雲其間採五芝而偃仰游八禪而寢息餌松术於溪 而心下亦守甲而調高實釋種之梁棟生人之羽儀者

愍彼後昆又撰破邪論一卷雖知虞衛同奏表異者九成 欽定全唐文卷一百三十八 厥 測 正覺將恐震兹布鼓竊比雷門中庸之人頗成阻惑法 所遺逸今散採所得詩賦碑誌讚頌箴誠記傳啟論及 角無容頭之地於是傳寫不窮流布長世若披雲而 聖之聖責以俗校真之咎引文證理非道則儒曲致 職並驅見奇者千里終須朱紫各色清濁分流訶以 指的周密莫不轍亂旗靡瓦解氷銷入室有操矛之圖 世太史令傅奕學業膚淺識慮非長乃穿鑿短篇憑 同迷蹤而得道法師著述之性速而且理凡厥勒成多 虞世南

客有通元先生好求古迹為余知書啟之發源審以臧否 教系譜釋老宗源等合成三十餘卷法師與僕情敦淡 古者畫卦立象造字設教爰真形象肇乎倉史仰觀俯察 其可為元龜者舉而敘之 義等金蘭雖服制異儀而風期是篤輒以縣綆聯彼珪璋 鳥跡垂文至於唐虞煥乎文章暢於夏殷備乎秦漢洎周 編為次第其詞云爾 日子不敏何足以知之今率以聞見隨紀年代考究興亡 書旨述

意號日額文或謂大篆泰丞相李斯改省籀文適時簡 感 **寝多者也而根之所由其來遠矣先生日古文籀篆曲盡** 號 宣王史史籍循科斗之書採倉頡古文綜其遺美别署 夫言篆者傳也書者如也述事契誓者也字者孳也孳乳 刻於符題或銘於鼎鐘或書之旌鉞往往人閒時有見者 饮定全害文·卷一百三十八 而 日至若程迎隸體因之罪隸以名其書朴略微奧而歷 而稱其籀文小篆自周秦以來猶或參用未之廢熟或 曰小篆善而行之其倉頡象形傳諸典策世絕其迹 知之愧無隱焉隸草攸止今則未聞願以發明用祛昏 虞世南

驚曹蔡做學而致一體真指獨得精妍而前輩數賢遞相 **穓增損近以湮淪而淳喜之流亦稱傳習首變其法巧拙** 銛 相沿未之超絕史游制於急就創立草葉而不之能崔杜 俯拾眾美會兹簡易制成今體乃窮奧旨先生日於戲 王洽逸少子敬剖拼前古無所不工八體六文必揆其理 矛盾事則恭守無捨儀則尚有瑕疵失之斷割逮乎王廙 才審位日月燭明固資異人一敷而化不然者何以臻妙 利加之奮逸時言草聖首出常倫鍾太傅師資德昇馳 理雖則豐妍潤色之中失於簡約伯英重以省繁飾之 シリニアラニ 欽定全唐文、卷一百三十八 禁邑張索之輩鍾縣王衛之流皆造意精微自悟其旨也 定為八體後復記謬凡五易焉然並不述用筆之妙及乎 文字經藝之本王政之始也倉頡象山川江海之狀蟲蛇 繪今之優劣神用無方小學疑迷惕然將寤而旨述之義 鳥獸之跡而立六書戰國政異俗殊書文各别秦患多門 無相奪倫父子聯鑣軌範後昆先生日書法元微其難品 其可聞乎曰無讓繁詞敢以終序 筆髓論 原古 虞世南

為臣也力為任使鐵毫不撓尺丈有餘故也管為將帥處 卒隨管任使跡不拘滯故也字為城池大不虚小不孤 運動之事執生死之權虚心納物守節藏鋒故也毫為士 求象本乃轉自取拙豈成書耶太緩而無筋太急而無骨 心為君妙用無窮故為君也手為輔承命竭股肱之用故 用筆須手腕輕虚處安吉云夫未解書意者一點一畫皆 辨應 指意

欽定全唐文人卷一百三十八 乎手然則體約八分勢同章草而各有趣無問巨細皆有 所不能言也拂掠輕重若浮雲蔽於晴天波擎勾截如 速虚實若輪扁野輪不徐不疾得之於心而應之於手口 風搖於碧海氣如奔馬亦如朵鉤變化出乎心而妙 右軍云書弱紙強筆強紙弱筆強者弱之弱者強之也遲 筆長不過六寸捉管不過三寸具一行二草三指實掌 不鈍細 側管則鈍慢而多肉豎管則乾枯而露骨及其悟也鑑而 而能壮長而不為有餘短而不為不足 釋具 虞世南 用應 微

等當覆脫上搶掠豪下開牽擎撥趣鋒轉行草稍助指端 鉤 内 行書之體略同於真至於頓挫磅礴若猛獸之搏噬進退 豪若石墨玉瑕自然之理亦如長空游絲容曳而來往 旋外拓而環轉行結也旋豪不絕内轉鋒也加以掉筆 距轉腕之狀矣 散其鋒員豪慈按轉易也豈具書一 距若秋鷹之迅擊故覆筆搶豪乃按鋒而直引其脫 網絡壁勁實而復虚右軍云游絲斷而能續皆契 釋 行 體篆草章行八分

為內起伏連卷收攬吐納內轉藏鋒旣如舞袖揮拂而紫 草則縱心奔放覆腕轉蹙懸管聚鋒柔豪外拓左為外 逸而不可止縱在逸放不違筆意也右軍云透嵩華令不 行又若垂縣楊盤而繚繞蹙旋轉鋒亦如騰獲過樹逸叫 自然勁健矣 高踰懸壑分能越或連或絕如花亂飛若強逸意而不相 以天真同於輪扁又云每作點畫皆懸管掉之令其鋒開 大三十月としまこして 透泉輕兵追屬烈火燎原或氣雄而不可抑或勢 释草. 虞世南

神不正書則散斜志氣不和書則顛仆其道同魯廟之器 多鉤篆體或如蛇形或如兵陣故兵無常陣字無常體矣 虚 欲書之時當收視返聽絕慮疑神心正氣和則契於妙 謂如水火勢多不定故云字無常定也 金与自用了一者一下三十八 則已又生按鋒仍豪端之奇象兔絲之繁結轉剔利 無為稟陰陽而動静體萬物以成形達性通變其常一 則敬滿則覆中則正正者沖和之謂也然字雖有質跡 亦何益矣但先緩引興心逸自急也仍接鋒而取興興 契妙 角

豈由乎水且筆妙喻水方圓喻字所視則同遠近則異故 以心悟不可以目取也字形者如目之視也為目有止 如 於無為苟涉浮華終情於斯理也 運思至微至妙之間神應思徹又同鼓琴輪指妙響随 鑄銅為鏡非匠者之明假筆傳心非毫端之妙必在 執字體也字有態度心之輔也心悟非心合於妙也借 故知書道元妙必資於神遇不可以力求也機巧必須 執字體也既有質滞為目所視遠近不同如水在方圓 而生握管使鋒逸態逐毫而應學者心悟於至妙書契 炭此南

會精之竹箭湛盧之斷割不括而羽之不淬而礪之然不 之後若在胸臆又因假寐見張芝指一道字用筆體法斯 貴乎志意專精必有誠應也余中宵之間遂夢吞筆既覺 欽定全唐文卷一百三十八 源也足明至誠感神信有徵矣故羲之於山陰寫黃庭經 水盡墨當其雅趣求彼真意無圖其形容而滯於體質此 感三台神降其子獻之於會稽山見一異人披雲而下 見利用之材耳羲之云耽翫之功積如邱山張芝學書池 自古賢哲勤乎學而立其名若不學即沒世而無聞矣且 勸學篇 走

歲竟昧其微況乃不學乎義之云自非通靈感物不可與 字其筆迹豈殊吾體耶獻之佩服斯言退而臨寫向逾 體 逾遠矣不得其門而入雖勤苦而難成矣今立以君臣之 手持紙右手持筆以遺獻之獻之受而問之日君何姓字 其體要敢其戶牖庶將來君子思而勉之 ジェン・エ・コー 類以攻戰之勢將以近而喻遠必因签而得免務欲成 斯道夫道者學以致之飽食於日而無所用心則去之 何遊處筆法奚施答曰吾象外為宅不變為姓常定為 帝基帖 类世南

賢兄處見臨樂毅論便是青過於藍於竹無已數願學耳 金 年 全 唐文 卷一百三十八 空得書為慰可言也 南 疲朽未有東顧之期惟增慨歎今因使人指申代面必公 世南近臂痛發書不堪親緣也處世南呈十三日遺書謹 世南聞大運不測天地兩平風俗相承帝基能厚道清 百鴻業六超君壽九宵命周成算元無之道自古興明世 東顧帖 樂毅論帖

七世久遠六道怨親並同今願 後時有所異責 之境希夷不測然則三五送與典墳斯著神功聖跡可得 微臣屬書東觀預聞前史若乃知幾其神惟睿作聖元妙 謹於道場供千僧疏會以斯願力希生生世世常無疾惱 弟子早年忽遇重患當時運心差愈之日奉設千人齊今 力也鄭長官致問極真而其三人恒不蕩蕩將如何故承 シューショナー シー・シュー 大世南 設齊疏 孔子廟堂碑

多定全唐文、着一下三十八 業雖復質文殊致進讓罕同靡不拜洛觀河膺符受命名 緯之精踵千年之聖固天縱以挺質稟生德而降靈載誕 於百王遺風於萬代荷數偉欺若斯之盛者也夫子膺五 道藝微而復願禮樂地而更張窮理盡性光前絕後垂範 居域中之大手握天下之圖象雷電以立威刑法陽春而 **流惠澤然後化漸八方令行四海未有偃息鄉黨棲遲洙** 空桑自標河海之狀纔勝逢掖克秀堯禹之姿知微知章 四不預帝王之錄遠跡骨史之傳而德件覆載明兼日月 言焉自肇立書契初分爻象委裘垂拱之風革夏翦商之

藏 於從大夫之後固知栖追弗已志在於求仁危遜從時義 降跡中都俯臨司寇道超三代止乎季孟之間羞論五霸 地維將絕周室大壞魯道日衰永歎時難實思濡足遂迺 欽定全唐文人卷一百三十八 仰之而彌遠亡吳霸越之辨談之而不及於時天悉寢微 懷寶而游列國元覽不極應物如響辨飛龜於石函驗集 可久可大為而不宰合天道於無言感而遂通顯至仁於 存於拯問方且重反淳風一匡末運是以載對以適諸侯 化豈直席卷八代并吞九邱而已哉雖亞聖鄰幾之智 用祖述先聖憲章往哲夫其道也固以孕育陶釣包含 **虞世南**

舒 與雨知來藏往一以貫之但否泰有期達人所以知命卷 弗至哲人云逝峻嶽已隤尚使泗水却流波瀾不息魯堂 降光丹書表瑞濟濟焉洋洋焉充宇宙而洽幽明動 **隼於金櫝觸舟旣曉專車能對識罔象之在川明商羊之** 餘 紪 而 定樂費易道以測精微修春秋以正聚貶故能使紫微 響絲竹猶傳非夫體道窮神至靈知化其熟能與於斯 弗累商王之武陳蔡為幸斯之謂與於是自衛反魯 惟道明哲所以周身美里幽憂方顯姬文之德夏臺羁 潤江海斯皆紀乎竹素懸諸日月旣而仁獸非時鳴鳥 風雲 删

哲參天兩地通聖通神允文允武經綸云始時維龍戰爰 樂翦焉煨燼重宏至教允屬聖期大唐運膺九五基超七 爰建用光祀典魏之黃初式遵古訓宗聖疏爵允緝舊章 時外降靈宇虚廟隨道發興受精失御蜂飛明起羽檄交 百赫矣王猷蒸哉景命鴻名盛烈無得稱焉皇帝欽明睿 馳經籍道息屋壁無藏書之所階基絕函丈之容五禮六 金行水德亦存斯義而晦明匪一屯亨遞有筐筥蘋繁與 乎自時厥後遺芳無絕法被區中道濟天下及金冊斯 五弩載驚孔教已焚秦宗亦墜漢之元始永言前烈聚成 -类世有

一致定全唐文/《卷一百三十八 六月之戰侵軼無厭空盡貳師之兵憑凌滋甚皇威所被 為患自古周道再興僅得中算漢圖方遠總聞下策徒 禮無方一日萬幾問安之誠彌篤孝治要道於斯為大故 主乗石之尊朱戸渠門之錫禮優往代事喻恒典於是在 宇納蒼生於仁壽致君道於堯舜職兼三相位總六戎元 席蘿圖而御六辯寅奉上元肅恭清廟宵衣具食視膳之 三港命兆庶樂推克隆帝道不承鴻業明玉鏡以式九圍 整戎衣用扶與業神謀不測妙算無遺宏濟艱難平壹區 使地平天成風淳俗厚日月所照無思不服憬彼獯戎

覽爰發絲綸武德九年十二月廿九日有詔立 興 潤 垂 身皆資學校別乃入神妙義析理微言厲以四科 教懿德高風垂裕斯遠而棟宇弗修宗禄莫嗣用紆 是眇屬聖謨疑心大道以為括羽成器必在膠雍道 晓納 但早 宫菲食輕徭薄賦 新現反撲抵壁藏金革 烟浮漢樂光莫河措矢東歸白環西入猶且兢懷取 來未之有也靈臺偃 風綿衣表化您選列辟旁求遂古克已思治曾何等級 賴厥角空山盡漢歸命關廷充勿葉街填委外庭開 伯玉關虚候江海無波燈遊 でと出り 隋故紹 息警 明 德 聽

聞 疾 時龍蹲猶臨 咫尺完爾微笑若聽武城之 **始怡然動色** 以臨空霞入綺察日暉丹檻官官崇遼悠悠虚白圖真寫 建百堵皆興揆日占星式規大壯鳳費賽其特起龍桶嚴 簫 若鏡青葱槐市總翠成惟清滌元酒致敬於兹日合舞 妙絕人功象設已陳肅焉如在握文履度復見儀形鳳 而速神其何遠至於仲春令序時和景淑皎絜璧池 菜無絕於終古皇上以幾覽餘服逼該羣籍乃製金 定全唐文 卷一百三十八 孔嗣哲子德倫為聚聖侯乃命經管惟新舊址萬维 韶之響稽擔盛服旣親仲由侃侃禮容仍觀衞賜 斯 H

帝京赤縣之中天街黃道之側幸與壯觀用崇明祀宣文 海大矣哉然後知達學之為貴而宏道之由人也國子祭 餐泉湧素絲既染白玉巴雕資覆實以成山導涓流而為 欽定全唐文人卷一百三十八 宣盛德昔者楚國先賢尚傳風範荆州文學猶鐫歌頌況 武四海之内靡然成俗懷經鼓篋攝齊趣奧並鏡雲披俱 心經藝楚詩盛於六義沛易明於九師多士伏膚名儒接 文與乎畢備副君膺上嗣之尊體元良之德降情儒術遊 酒楊師道等偃元風於聖世聞至道於先師仰彼高山願 述一篇永垂鑒戒極聖人之用心宏大訓之微旨妙道天 虞世南

銘 教於六學闡皇風於千載安可不賛述微猷被之雕篆迺 章明四始繁類義易書因魯史懿此素王邈焉高軌三川 景緯垂象川岳成形挺生聖德實稟英靈神凝氣秀月角 削 珠庭探蹟索隱窮幾洞冥述作爰備邱墳咸紀表正十倫 抗表陳奏請勒貞碑爰命庸虚式楊茂實敢陳舞詠迺作 顯命當塗創業亦崇師敬胙土錫主禮容斯盛有晉崩離 解 玄 散去佩書燼儒坑寨堯中葉追尊大聖乃建聚成膺兹 弱六國從衝鶉首兵利龍文鼎輕天垂伏鼈海雖長鯨

大三人二年五二十二十二次世南 |莫奧山河已絕隋風不競龜玉淪亡稱祖弗習干戈載揚 重樂霧宿洞戶風清雲開春牖日隱南樂餅眩鐘律蠲絜 横經請益帝德儒風永宣金石 為寶光華在旦繼聖崇儒載修輪奏義堂宏敞經肆紆紫 追風受異於樂元后膺圖撥亂天地合德人神攸賛群鳳 露霑闕里麥秀鄒鄉修文繼絕期之會昌大唐撫運率縣 維傾柱折禮亡學廢風頹雅缺戎夏交馳星分地裂頻落 王道赫赫元功茫茫天造奄有神器光臨大寶比蹤連空 明容範既備德音無數肅肅升堂先稅讓席獵纓訪道

金牙白尾文一卷二百三十八 他長 軍降社具氣呈祥慈珩朱級熊軾龍章契叶禎 於雙閥駕龍轎於六飛哀子嗣皇帝諱稱賜崩心攀號泣 皇崩於大安官殯於前殿之西階粵十月甲子朔二十七 元覽載籍巡聽皇王立德可久應運斯昌天基崇峻帝系 血悲慕望其如在痛音顏之已絕去昭景而不留即幽途 維貞觀九年歲次癸未五月乙未朔六日庚子大行太上 日庚寅將遷座於獻陵禮也九天落構七曜沉暉引駕翻 而永設孝以追遠哀惟惧終爰詔史册敘德宣風其詞曰 高祖神堯皇帝哀册文

蚩尤曜旗王良策馬拔山曀日滔天泯夏蕩析黎元阽危 遺氛阻亂沙塞皮劉伊溫叛渙應愛雷動乗機電斷十角 制勝神兵尊王踐土復帝夷庚職惟上相任隆羣群六階 宗社提劒創業仗鉞專征風驅雲動海運天行伐謀上 飛沉般輅周晃禹迹堯心削觚返撲抵璧藏金商俗未改 天臨日暉川鏡悉武藩岳風移俗正火德云謝羣龍戰 巴平四門咸闢殊物顯命葬章典冊錫重介珪禮優乗石 生管聖形雲畫聚黃星夕映舒卷潜躍幾深道性地 雲改色鏞榮愛音觀圖受命負展君臨仁霑動植化感 ここ ノニチャ こうしょうこうしょ 虞世南 Ξ 略

金兵全唐文、若一正三十八 晨省遠干龄而上仙攀悼展以孺慕抱劒舄以纏綿嗚呼 雲消三川冰泮漸以文教致諸王道制禮和樂算儒養 成化聿應景福方期大年玉几奄及金縢遂霧絕五日之 翠鳳栖桐丹魚在藻水浮元貝偕樂朱草威加海外澤被 哀哉處奉顧託式遵遺志捐珠玉而不藏即陶甄以成器 地市背沃野於神阜越通川於渭沒懷岐下之前跡晚 貽儉德以為謨垂風聲於後嗣嗚呼哀哉永去天邑言遵 區中要荒合軌鞮譯遐通沒羽沈浪飛輪駕風眷言釋負 有懷高謝條爾樂陽香同姑射趣詩禮以承天稟義方以

豐之舊里笳哀噎以留思挑聯翩而願指悲風急而古木 為首件軼五而登三與造化而長久嗚呼哀哉 吟平野晦而愁雲起嗚呼哀哉惟級衣之如昨忽馳光之 次定全唐文一卷一写三十 動商山之風樹踏厚地而無感仰高天而何訴嗚呼哀哉 **凍而行暮感物悲於氣序銜哀踐於霜露泣川水之東流** 不駐亟時遊而節敗俄涉新而履故野蒼蒼以日衰歲樂 口聖與仁誰前誰後炎昊無金石之固熟華異松喬之壽 歷世而長存惟令名之不朽别元功與至德冠列群而 文德皇后哀册文 **英世南** 至

帝親臨宵載義深追遠瞻青浦而永絕悼玉階之莫反蜃 皇后崩於立政殿粤九月十一日丁酉將遷座於昭陵禮 也確自夕敢靈輔曉前嚴惟亦於空殿肅陛衛於靈筵皇 維貞觀十年歲次甲申六月已未朔二十一日已卯大 不已柔風允塞糾組執勤總折垂則時逢昌聖運屬休徵 儀合德兩曜齊光列聖觀象邦家克昌荷歌華族英靈 將引機轉已徹爰認記言式楊徽烈其詞曰 圖閱史造舟為梁嗣徽前德履和思順自家刑國淑 社比齊越姜匹宋踰子育德高門騰芬素里體仁將 聖 間

欽定全唐文 卷一百三十八 通元慈訓所及懿德光前五福云備千龄方永地紀絕維 處約懷沖履正景蝬風暄霜嚴冰淨領略三古箴規六行 旗以素旌昔照朝景響環珮於增城今冥永夜吟松柏於 月輪韜景晨興弗豫德音彌整馬戴無封鶴珠斯屏嗚呼 暉 不承比德無競凝神不測應物達理撫機先識體備賢能 良哉異人神於俊忽變容服於平生改清蹕以哀挽易朱 源濬流遠時昌祚延國貞誕睿皇支挺賢談高辨日學貫 代邱膺思唐侯嗣興紫宫並曜黃道階升化宣風始業替 , 脱側續苞九亂思加八極性道希夷言容莊敬戒奢 虞世南 舌

聖停人何生而能久惟承天與載物邈慈深而德厚邁任 隱霧嗚呼哀哉嗟人生之浮促若飄風之過爛爛何風而 慟 枝而这泣聞哀雁之夕飛聽悲風之曉急仰雲霄而永慕 奴之高蹤播英聲而無朽嗚呼哀哉 途去去而逾遠馬駸駁而不駐想渭水之貫都歎黃山而 楹嗚呼哀哉氣變灰飛暑退寒襲烟觸樹而凝慘露分 陵寢其何及嗚呼哀哉背元武而北轅絕牵牛而横度